

PARADOXA.

7

quod est, & id ipsum, quod habes, ne non diuturnum futurum sit, times: te conscientiae stimulane maleficiarum tuorum, remetus exanimant judiciorum, atque legum: quocumque aspexisti, ut furie, sic tua tibi occurrunt injuriae, quae te respirare non sinunt. Quamobrem, ut improbo, & stulto, & inertis nemini bene esse potest, sic bonus vir, & fortis, & sapiens, miser esse nemo potest. nec verò, cuius virtus moresque laudandi sunt, ejus non laudanda vita est: neque porrò fugienda vita, quæ laudanda est: esset autem fugienda, si esset misera. Quamobrem quidquid est laudabile, idem & beatum, & florens, & expetendum videri debet.

III.

Quòd æqualia peccata.

PArva, inquis, res est, atqui magna culpa. nec enim peccata rerum eventu, sed vitiis hominum metienda sunt. in quo peccatur, id potest aliud alio majus esse, aut minus: ipsum quidem illud peccare, quoquæ te verteris, unum est. Auri navem evertat gubernator, an paleæ, in re aliquantum, in gubernatoris infititia nihil interest. Lapsa est alicujus libido in muliere ignota: dolor ad pauciores pertinet, quam si petulans fuisset in aliqua generosa ac nobili virgine: peccavit vero nihilominus: si quidem est peccare, tanquam transire lineas: quod cum feceris, culpa commissa est: quam longè progrediare, cum semel transferis, ad augendam transeunti culpam nihil pertinet, peccare certè licet nemini: quod autem non licet, in hoc uno tenetur, si arguitur non licere,

id nec maius , nec minus unquam fieri potest : quoniam in eo est peccatum , si non licuit . quod semper unum & idem est , quæ ex eo peccata nascantur , aequalia sint operet . Quod si virtutes pares sunt inter se , paria esse etiam vicia necesse est . at qui pares esse virtutes , nec bono viro meliorem , nec temperante temperantiorum , nec fortis fortiorum , nec sapiente sapientiorum posse fieri , facilimè potest perspici . An virum bonum dices , qui depositum nullo teste , cum lucrari impunè posset , auripondo decem reddiderit : si idem in decem millibus non idem fecerit ? aut temperantem eum , qui se in aliqua libidine continuerit , in aliqua effuderit ? una virtus est , consentiens cum ratione , & perpetua constantia : nihil huic addi potest , quo magis virtus sit : nihil demi , ut virtutis nomen relinquatur . & enim si benefacta , rectè facta sunt , & nihil recto relictus ; certè nec bono quidem melius quidquam inveniri potest . Sequitur igitur , ut etiam vicia sint paria : si quidem pravitates animi rectè vicia dicuntur . at qui quoniam pares virtutes sunt , rectè etiam facta , quando à virtutibus proficiscuntur , paria esse debent , itemque peccata , quoniam ex vitiis manant , sint aequalia necesse est . A Philosophis , inquit , ista surmis . Metuebam , né à lenonibus diceres . Socrates disputabat iste modo . Bene hercule narras . nam istum doctum & sapientem virum fuisse , memoriæ traditum est . Sed tamen quaro ex te [quando verbis inter nos contendimus , non pugnis] utrum potius de bonis est querendum , quid bajuli atque operarii , an quid homines doctissimi senserint ? presertim cum hac sententia non modo verior , sed ne utilior quidem hominum vitæ reperiri ulla possit ? quæ vis est enim , quæ magis

PARADOXA.

9

magis arceat homines ab improbitate omni , quām se
senserint, nullum in delictis esse discriminē : aequē pec-
care se, si privatis , ac si magistratibus manus infe-
rant ? quamcūque in domum stuprum intulerint ,
eandem esse labem libidinis ? Nihilne igitur interest
[nam hoc dicet aliquis] patrem quis necet , an ser-
vum ? Nuda ista si ponas , iudicari , qualia sint , non
facilē possunt. patrem vitā privare , si per scelus est:
Saguntini , qui parentes suos liberos emori , quām
servos vivere maluerunt , parricida fuerunt : ergo &
parenti nonnunquam adimi vita sine scelere potest , &
servo sēp: sine injuria non potest. Causa igitur hec ,
non natura distinguit : quae quando alteri accessit , id
sit propensius : si utrique adjuncta sit , paria fiant ne-
cessē est. illud tamen interest , quod in servō necando si
ad sit injuria , semel peccatur : in patris vita violan-
da , multa peccantur : violatur is qui procreavit : is ,
qui aluit : is , qui eruditivit : is , qui in sede ac domo ,
atque in Rep. collocavit . multitudine peccatorum præ-
stat , eoque pœna majore dignus est. sed nos in vita ,
non quae cuique peccato pœna sit , sed quantum cuique
liceat , spectare debemus. quidquid non oportet scelus
esse : quidquid non licet , nefas putare debemus :
etiamne in minimis rebus ? Etiam : si quidem rerum
modum fingere non possumus , animorum modum te-
nere possumus. Histrion si paul: se movit extra nume-
rum , aut si versus pronunciatus est syllabā unā bre-
vior aut longior , exibilatur , & exploditur : in vita ,
qua omni gestu moderatior , omni versu aptior esse
debet , ut in syllaba peccare te dices ? Poëtam non
audio in nūgis : in vita societate audiam cīvens digitis
peccata dimetientem sua ? Si sic visa sint breviora ,

A §

leviora

leviora qui possint videri? cùm quidquid peccatur,
perturbatione peccetur rationis, atque ordinis: per-
turbata autem semel ratione & ordine, nihil possit addi,
quo magis peccari posse videatur.

IV.

Quod omnes stulti insaniunt.

Ego verò te non stultum, ut sépè: non improbum,
ut semper: sed dementem & insanum ratiotibus
addicam necessariis. Hæc in Clodium, à quo in
exilium ejactus erat. Sapientis animus magnitudine
consilii, tolerantiarum rerum humanarum, contemplatione
fortuna, virtutibus denique omnibus, ut mænibus,
septus vincetur, & expugnabitur, qui ne civitate
quidem pelli potest? quæst enim civitas? omnisne
conventus ferorum, & immanum? omnisne etiam
fugitorum, ac latronum congregata unum in locum
multitudo? certè negabis. Num igitur erat illatum
civitas, cùm leges in ea nihil valebant: cùm judicia
jacebant, cùm mos patrius occiderat: cùm ferro pulsis
magistratibus, senatus nomen in Rep. non erat, cum
prædonum ille concursus, & te duce latrocinium in foro
constitutum, reliquia conjurationis à Catilina furtis
ad tuum scelus, furorēmque conversæ, num civitas
erat? Itaque pulsus ego civitate non sum, quæ tum
nulla erat; accersitus in civitatem sum, cùm esset in
Rep. consul, qui tum nullus fuerat: esset senatus, qui
tum occiderat: esset consensus populi liberi, cùm esset
juris, & aequitatis [quæ vincula sunt civitatis] re-
petita memoria. At vide quām ista tui latrociniī tela

CON-